

Tiwei Jon Kewisik - 2

Menmen me tiwei ik

Jon katip gude 1:1-3

Yi eiyises menmen me han tewenin mit 1:4-6

Yi naanempre hiras me him eenum me memipin 1:7-11

Jon katip him mikaru 1:12-13

¹ *Hi mitik iuwe ke mit ne weiwik me God, hi hewis tiwei ik ken ti mite nipaa God kehimitenut ti niki pirak. Te ti kerepep au. Ti hetike nikerek nit. Hi han tewenini iuwe. Hi kerekek au. Hi hetike mit miyapir keriyen nises him me God. ² Haiu han tewenini mentar him yaaim me God mau mekre han kiau, mamu mamtikewai tipmain tipmain enum eik. ³ Hi hanhan God Haai ketike Nikan kirak Jisas Krai hiraakit han yaaik kirakit kaku kaktikewai. Hiraakit han teweninai te haiu mamu werek werek, mentar haiu mises him yaaim mirak haiu han teweninan.

Haiu hanhan mit

⁴ *Hi hemtau nikerek nit han hir nises him me God mar ke nipaa hiraak God ketpaiyem, te hi han yaaik iuwe. ⁵ *Te in ek mite yaaip hi pike hetput, "Haiu mit hanhanan." Him im me petepin au. Nipaa ein hiram mepu haiu mentewem me wi haiu mit minin mises him me God. ⁶ *Haiu hanhan God te haiu emises him

* 1:1 1Pi 5:1; 3Jo 1 * 1:4 3Jo 3 * 1:5 1Jo 2:7, 3:11 * 1:6 1Jo 5:3

mɪrak. Nɪpaa hɪm im hɪrak ketpaiyem hɪram im:
Haiu hanhanan.

Haiu emises hɪm me Krai

⁷ *Mɪt yapɪrwe epei newep nerer wit nemipɪn
mɪt miyapɪr. Hɪr nepakɪn Jisas hɪrak keit yɪnk
kar ke haiu mɪt keriyen hɪrak kan tɪ ik. Mɪt nar
ik hɪr enun newisesik, hɪr nepan ne Krai. ⁸ Yi
naanempre hɪras te yi ap eiyises menmen yar
ke hɪr nisesim, te yi eiyɪwaank menmen yaaim
God kewisɪm mekre han ki. Yi eirɪak menmen
im te maain yi eiyɪt menmen yaaim yapɪrwe God
kakwetiyem. ⁹ *Neiyɪn newis hɪm ham mekre
nɪmɪn me hɪm me Krai, God ap kau ketikeri
au. Neimɪn nises hɪm im keremem me Krai,
hɪrak God Haai ketike Nɪkan kɪrak tatu tatkiteri.
¹⁰ *Neiyɪn nanɪnen ap nises hɪm me Krai mar
im au, hɪr nises hɪm ham, yi ap eiyɪtpor nanɪnen
nanɪkre wɪnak ki au. Yi ap eiyɪtpor: “God
kakɪkepi yi eiyu werek werek.” Menmen im au
emɪt! ¹¹ Keiyɪn kaktɪp mɪtɪk enuk kar ik: “Ti
ehu werek werek,” hɪrak kɪre wariyakɪt kɪrak ke
menmen enum mɪtɪk ik hɪrak kakɪakem.

Hɪm ham hɪram mɪkaru

¹² *Hi hanhan hetpi menmen yapɪrwe te hi
hɪnapen hewisɪm mau tɪwei ik au. Hi hanhan
anen ari te haiu emtɪpan menmen haiu emu han
yaaik. ¹³ Nɪkerek ne heiyiuwe pit hɪr nesiuwe
hɪm netpi “Yi yaain.”

Mepɪr keremem

* 1:7 1Jo 4:1-3 * 1:9 1Jo 2:23 * 1:10 Ef 5:11; 2Te 3:6 * 1:12
3Jo 13-14

Him Yaaim Me God
The New Testament in the Au language of Papua New
Guinea
Nupela Testamen long tokples Au long Niugini

copyright © 1992 Wycliffe Bible Translators, Inc.

Language: Au

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-12-03

PDF generated using Haiola and XeLaTeX on 3 Mar 2023 from source files dated 9 Oct 2020

4e85f348-3df4-5add-b32a-49bcafe3752a